

四明叢書第二集跋

壬申歲張子約園輯四明叢書第一集成屬余跋其後今年夏復舉第二集示余則盡忠孝節義大文章也全書凡二十二種而明季死事諸賢若陳忠貞錢忠介張蒼水魏雪翁簞溪篤菴兩侍郎以及六狂生五君子之流遺箸十居其七八其間雖毫芒流落亦必蒐求補綴斷盡發潛德之幽光焉噫約園之用心滋苦矣夫所貴乎臣之忠者爲其能定傾扶危撥亂而反之正也若徒捐軀殉國殺身成仁抑亦忠之次耳然此非所語於乾

四明叢書 第二集跋

一 四明叢書
約園刊本

坤板蕩天下事已不可爲之日也明當甲申後玉步已移曆數旣盡雖有善者亦無如之何而浙東諸君子猶於南都覆亡之後奮其義幟崎嶇海隅秉百折不回之氣以冀人定之勝天卒之天不可勝相率戕身斷脰而靡它一代綱常名教之寄將於是乎在宜約園景仰前徽而表彰恐後也抑余更有進者則以約園纂次是集殿以先德肖葺給諫所編之寸草廬贈言十卷肖葺爲吾同年畏友通籍後追念太夫人苦節哀同輩誅德之辭都爲一集以志永慕今約園繼承先志旣勒成書復

殿於斯尤不媿錫類之孝歟夫惟如是然後知嚮之所
謂忠孝節義大文章者約閱實爛熟於胸中用能原原
本本不啻若自其口出也曩過高齋其文孫元一年方
七歲出應客背誦子路從而後一章聲纍纍若貫珠且
能逐句講解其講到孰爲夫子句神采尤飛動迥非凡
童所及心驚異之蓋約園雖未能悉屏世務而午前編
書午後謀孫率有常無厭倦乃益信其家學淵源之深
所以承先啓後者桂蘭競秀尤足動人歆羨也並贅數
語以誌嚮往甲戌孟秋古閩何剛德謹識

四明叢書第二集後序

自諸侯不知有王其臣不能正君以尊王室於是王道衰而春秋作周公事業期諸魯之子孫魯父母之邦也法先王宜自魯始孟子卑管晏以其知有霸也春秋無賢臣知有霸而不知有王也春秋之大夫小貞耳盡以大貞取之以王道取五霸猶罪人故曰欲永其祚莫先德義貽厥後世之上人先德義下之人重名節不以利害怵其素不以嗜欲詘其剛中之所守者然也今天天生斯民爲斯世也不得已退藏以終其身豈忽然於世

四明叢書

第二集後序

一

四明叢書

約園刊本

哉正身修德期之於上時和歲豐慰之於下如此而已況乎補闕修廢使庠序立而禮義充聖經賢傳之理倍晰必於亂臣賊子之恨愈深患難當前生死不愧豈好名哉所爭者千秋不朽耳太史公曰聖人不朽時變是守時有變而心無變心無變則腎腸肝膽皆吾同謀也況華夷之辨嚴則死生之念泯故明之季與宋同氣節之士其時尤多焉禍至而不懲患來而獨任爲臣爲子不能兩全而取其重百千膏血付諸長江而舍其輕妻孥滿獄而弗恤田園奴婢而弗有蘇武十九年雪氈不

怨首陽一抔土薇蕨斲終肝腦塗地之餘留得一臂一
肩使後之人憑弔於荒煙蔓草之間低徊留之而不能
去更有生則疑於許遠沒其成爲萑弘不效張儉之望
門投止而爲謝翱之登臺慟哭者亦足悲也凡此犖犖
卓著古今豈獨一鄉之光哉顧遺事軼聞久付殘劫蟲
沙猿鶴豈僅東荒有不見於正史者矣有惡其害己而
毀之者矣不惟有明也宋之季亦然然則非一二抱殘
守闕之書生又孰從而傳之夫歲寒常也國有國之寒
家有家之寒不幸而丁其厄焉不忍其親而以身代不
忍其親爲直道而死代之而不得出九死一生以赴之
而卒如其願焉天也夫天不負人而人必有以承乎天
一陽初復而無忘乎冰雪之時仁人孝子之用心其趨
一也故不敢沒其親必思傳其事非惟傳其事而一時
相與詠歌讚歎者使子孫讀之惕然於已往之艱難而
奮然於未來之刻勵此亦魯之子孫無負周公事業之
意也嗚呼觀於鄉而知王道之易易也王道以德義先
忠孝節烈德義之本也本尤自家始上之苟於自恕顧
利冒恥而不知反己者以家自累故也念昔先人遺澤

遠矣敢不懷諸若夫片羽吉光無遠弗屆斷圭殘璧歷
久彌彰呵護於鬼神收藏於孫裔天人交應自有其不
做者存壽鏞何功之有既編四明叢書第二集竣更嘗
於後覽者察焉民國二十三年八月張壽鏞

四明叢書

第二集後片

三

四明叢書
約圖刊本

四明叢書

四明叢書
約園刊本